



**2 UNIDAD DI BOMBERO A BAY
PA UN CANDELA DI MONDI CU
TABATA MENASA Y CAUSA
MOLESTER NA SANTA CRUZ**



WWW.SOLODIPUEBLO.COM



SOLODIPUEBLO@GMAIL.COM

**MARISOL TA
TOTALMENTE
EQUIBOCA:
TA EVELYN A
TUMA TUR ACCION
PA ACLARA
ARUBAHUIS**



**PROTECCION DI CONSUMIDOR TA
PUNTO DI PRIORIDAD PA BISHITA
NA ACM Y MINISTERIO DI ASUNTO
ECONOMICO NA HULANDA**



**BETICO CROES SEMPER A CARGA
CONFIANSA Y FE DEN NOS
PUEBLO, DEN NOS CARACTER Y
MENTALIDAD**



**UN PERSONA
HERIDA
DESPUES CU AUTO
A BOLTER NA
BLOEMOND**



**BETICO UN
HOMBER CU A
TRANSCENDE
TEMPO!**

LOTTO TA INTRODUCI UN MIEMBRO NOBO DI INSTACASH “TIC TAC CASH”!

- Diabierna 26 di januari, Lotto, e loteria di Aruba, ta contento di por anuncia un integrante nobo “Tic Tac Cash” den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde dialuna awo, 29 di januari Lotto lo trece un adicon mas na e famia di Instacash cu ta yama Tic Tac Cash.

E wega di Tic Tac Cash ta costa solamente 2 florin

cu lo tin diferente premio cash y bo por gana te cu Afl. 2.000,-!

Con pa hunga?

Bishita bo rebendado di Lotto preferi y pidi pa bo Tic Tac Cash di Instacash desde dialuna awo. Ora bo cumpra e wega di Tic Tac Cash, bo ta ricibi un ticket for di bo rebendado preferi. Riba e ticket bo ta wak diferente hoki cu simbolo den dje. Combina e 3 simbolo ganado den cualkier liña vertical, horizontal of diagonal.

Instacash ta dunabo e

oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, Gold Mine, Hot Numbers, e famia di Instant Jackpot y awo Tic Tac Cash cu ta dunabo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di



Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia

bida di su hungadonan y na mes momento inverti den deporte local pa medio di donacionnan na e comision di subsidio.

DURANTE CARNAVAL 70 UNI NA E CAMPAÑA DI ‘SCOGE PA BLEKI, E RITMO DI RECICLA’

“Campaña nobo di Ban Serio! un iniciativa di Aruba Tourism Authority (A.T.A.)

Como un paso firme pa cu sostenibilidad, Ban Serio! como iniciativa di A.T.A., ta lansa campaña ‘Scoge pa bleki, e ritmo di recicla’. Un campaña di conscientisacion caminda cu ta promove e beneficianan ambiental ora di scoge pa bleki enbes di glas of plastic durante 2024.

E meta di e campaña ta pa pone enfasis pa scoge pa bleki ya cu esaki ta 70% mas reciclable compara cu e glas of e plastic. Creando y reenforando e bon habitonan di e comunidad y pa hunto nos tene Aruba Limp.

Cu inicio den Carnaval 70, e campaña lo conta cu presencia durante di Parada Grandi di Oranjestad y durante evento di Casio y Soca

Monarch. Por bishita e booth di Ban Serio! pa informacion, saca potret, deposita bo bleki, y pa ricibi diferente articulo promocional.

Ta di menciona cu e campaña lo continua den 2024 durante di temporada di Pasco Grandi y campamento, como tambe durante eventonan nacional manera Dia di Himno y Bandera, Dia di Rey, y mas. E campaña aki sigur lo ta aplicabel na actividadnan local cu Oficina di Turismo, A.T.A. ta patrocina durante aña.

Pronto lo anuncia un lugar deposito caminda cu e comunidad local por deposita nan bleki durante aña. Lo keda actualisa e cifra cu e proposito pa keda

conscientisa e comunidad local y bishitante di e isla riba e tema di recicla na Aruba.

Na final lo crea algo masha espectacular cu e blekinan colecta pa asina finalisa e campaña den un forma grandi.

Tocante Ban Serio!

Ban Serio! ta un iniciativa di Aruba Tourism Authority cu tin como meta pa crea mas conscientisacion pa pone mas enfasis riba e siguiente pilarnan; Medio Ambiente, Hospitalidad, Cultura y Siguridad. Pa medio di diferente iniciativa y programa, Ban Serio! ta pone atencion special riba e puntonan aki cu tin impacto riba e bida di nos hendenan local y tambe riba Aruba como producto turistico.



MARISOL TA TOTALMENTE EQUIBOCA: TA EVELYN A TUMA TUR ACCION PA ACLARA ARUBAHUIS

Parlamentario Marisol no tin ningun razon den su reciente ponencia treci den prensa riba e asuntonan di Arubahuis.

Marisol a sali critica Promer Minister di Aruba fuertemente cu e no a haci nada, pero su critica ta totalmente sin base y totalmente robes.

Den un declaracion di par di minuut, Marisol a trece asina tanto mentira pa cual e sa masha bon cu e no por substancia su mentiranan y asina nan ta converti den calumnia y instigacion.

Relaciona cu actonan irregular cu a sosode na ArubaHuis, mester keda bon cla y for once and for all cu ta Promer Minister a pidi pa un investigacion y a tuma tur decision corecto pa trece claridad. Incluso a informa Ministerio Publico di e hechosnan pa cual awor ta sigui un otro investigacion di husticia.

E gañamento di Marisol no conoce limite, pe tribi di sigui papia coy loco, y instiga pueblo cu mentira.

Ora cu e prome investigacion a keda cla, a tuma accion mesora y a dicidi pa remplasa Arubahuis cu otro Minister. Igualmente cu otro director.

Ademas Promer Minister a acudi na Parlamento dia 13 december 2022 hunto cu CAD (Centrale AccountantDienst Aruba) cu a elabora punto pa punto riba hechosnan cu nan a detecta. E dia aki Marisol a briya cu su ausencia.

Ta un diferencia hopi grandi si wak bek kico a pasa cu Paul y Benny unda nunca Eman a acepta, nunca el'a informa parlamento y nunca el'a baha nan di funcion (Paul a bay cera, pero a keda minister) y Benny estando den KIA a wordo poni bek riba lista y actualmente cu un condena, ainda ta parlamentario.

Tur loke a sosode cu Paul y Benny, a wordo sosteni silenciosamente pa Marisol cu tabata den Avp y tabata presidente di Parlamento.

Pues, cu Marisol kier instiga riba



e situacion aki y ataca cu Promer Minister no a hasi nada, e ta na adres robes.

Ademas trato diferente ta esun cu a bira sospechoso di husticia pa varios luna y na salida di landsrecherche no kier a papia berdad dilanti microfono. Un

politico cu tabata sospechoso, cu a keda trata diferente pa husticia y e mes a tene secreto. Ora cu Speed a puntra si e ta testigo of sospechoso ela contesta cu e ta prefera pa no contesta esey awor.

Nos lo sigui informa y recorda Marisol di realmente ken e ta!

Minister Geoffrey Wever: PROTECCION DI CONSUMIDOR TA PUNTO DI PRIORIDAD PA BISHITA NA ACM Y MINISTERIO DI ASUNTO ECONOMICO NA HULANDA

Awo cu e ley nobo di AFTA a drenta na vigor, Minister Wever, hunto cu Sra. Maria Dijkhoff-Pita, directora di Departamento di Asuntonan Economico (DEZHI), y Sr. Filomeno (Roly) Sintjago, Presidente di Raad van Bestuur di AFTA - a bai Hulanda papia cu expertonan di e Ministerio di Asunto Economico Hulandes y Autoriteit Consument en Markt (ACM) na Hulanda. ACM ta e AFTA di Hulanda. E meta ta pa

prepara leynan nobo pa proteccion di consumidor bira un parti di trabou di AFTA.

Banda di AFTA su responsabilidad pa regula competencia husto, pronto lo inclui tambe Proteccion di Consumidor dentro di e responsabilidadnan di AFTA. Intencion ta cu pa 2025 AFTA lo tin e responsabilidad adicional aki pa regula y informa riba tereno di proteccion di consumidor, educando

consumidornan riba nan derechonan y protehanan contra practicanan inhuisto den comercio.

Pa ehecuta e viahe aki ta conta cu presencia di directora di DEZHI, Sra. Maria Dijkhoff-Pita y tambe Presidente di Raad va Bestuur di AFTA, Sr. Sintjago, pa reuni cu expertonan di Autoriteit Consument en Markt, como tambe ministerio di asuntonan economico di Hulanda.

"Entre otro nos lo cuminsa



prepara e ley pa proteccion di consumidor, como tambe regla e funcionamiento di AFTA y e rol di e minister di asuntonan economico di Aruba", minister Wever a menciona. "Doing business na Aruba lo ta mas fair

pa tur consumidor pero tambe p'e comerciante", segun e Minister Wever. Bishita e webpage di www.AFTA.aw y haya sa mas di kico Aruba Fair Trade Authority (AFTA) ta ensena.

SETAR A HACI ENTREGA DI PREMIONAN NA GANADORNAN DI EVENTONAN DI SMAC

Diamars atardi, SETAR a organisa un evento special pa e ganadornan di eventonan di SMAC acompaña pa representantenan di e Directiva di SMAC y nan famia. Cada ganador, esta Prins y Pancho Infantil, Hubenil y Grandi, Tumberito Infantil y Hubenil, Calypso y Roadmarch Infantil y Hubenil como tambe ganadornan di Tumba y Reinanan di Carnaval Infantil, Hubenil y Grandi y Señora Carnaval, a ricibi un premio di SETAR otorga pa Hefe di Mercadeo, Roxana Semeleer-Ras.

SETAR pa mas cu 20 aña

ta e sponsor oficial di Aruba su Carnaval y ta contribui grandemente na nos Carnaval. E aña aki pa Carnaval 70, SETAR su aporte sigur ta uno substancial. SETAR a aporta, entre otro, na tur grupo di Carnaval di Mucha y Carnaval di Noord, p'asina garantiza e continuidad di paradanan bunita y pa hunto nos celebra Carnaval 70 en grande.

SETAR como sponsor oficial di Aruba su Carnaval ta orguyoso di semper por contribui na e fiesta cultural di mas grandi riba nos isla.



Parlamentario Ricky Hoek (MEP): E homber di vision! BETICO CROES A MIRA UN ARUBA LIBER Y PARA RIBA SU PIANAN

Un hoben simpatico, di un spirito bibo y cu un amor grandi pa su isla, cu semper tabata meymey di su hendenan. E por ta famia, den deporte, na misa, tocando musica y naturalmente den politica. Betico, manera e hoben aki tabata ser yama, semper a stima su hendenan y tabata kier cu tur persona tin e oportunidad igual di progresa den bida.

Progreso bo por logra solamente ora cu bo ta liber. Ora cu bo por tuma bo mesun decisionnan y tambe crea oportunidadnan di desaroyo pa bo mes y pa otro. Sinembargo, den e pais cu e tempo ey Betico tabata biba no tabata di e facil ey pa su pueblo y su isla progresa. Aruba tabata

bou di e yugo di Antias Hulandes, un constelacion di seis isla caribense cu ta forma parti di e Reino Hulandes. Pero ta e isla mas grandi tabata esun cu semper tabata haya mas privilegio y hasta casi por a dicidi pa e islanan mas chikito.

Den un situacion di desigualdad asina aki, Betico no tabata kier pa su pueblo biba. Pesey, e tabata tin e vision pa mira su isla liber y autonomo, di por ta para riba su pianan y tuma su propio decisionnan. E vision aki no tabata simplemente un soño of un deseo, e tabata un lucha cu un lider cu curashi mester a guia y cu e sosten di su pueblo cu tambe tabata comparti e deseo di ta liber y autonomo. E lucha aki

a cuminsa na november di aña 1971 na momento cu Betico a opone di e proposicion di forma un Federacion Antiano segun e sistema proporcional di voto, esta “one man, one vote”. E lucha sagrado aki pa Aruba pa bira liber a bira realidad riba 1 di januari 1986.

E Betico den nos E legado cu Betico a laga pa nos, ta cu nos tin cu stima nos hendenan, stima nos pueblo duna balor na nos simbolonan di identidad y lucha pa e libertad di bo pais. Manera e dicho di Betico ta bisa: “Ki bal un homber sin derecho, ki bal un homber sin bandera, ki bal tin curason den pecho, si bo no ta liber den bo tera!”. Ta pa medio di e libertad cu ta e Status



Aparte cu Aruba a logra haya, Aruba por a desaroya su mes y progresa ta cu e dia di awe. Nos deber ta pa salvaguardia nos libertad contra di tur energia aheno cu kier kita of atacha nos libertad.

Nos tur cu ta biba na Aruba, sea bo a nace riba e isla of un otro parti di

mundo, Aruba ta nos cas y nos tin cu conserva y proteha nos dushi hogar Aruba. Nos por ta orguyoso di ta e ‘one happy island’, ta pasobra nos ta liber y nos ta comparti e felicidad aki cu mundo henter.

Un Feliz Dia di Betico na pueblo henter!

PARLAMENTARIO SHAILINY TROMP-LEE: BETICO CROES SEMPER A CARGA CONFIANSA Y FE DEN NOS PUEBLO, DEN NOS CARACTER Y MENTALIDAD

Durante di un di Betico su discurso e la bisa lo siguiente: “Semper ami tawata carga e confiansa y fe den e pueblo aki. Semper m’a carga e confiansa den e mentalidad y caracter di e pueblo aki y pesey nos por bisa cu pueblo di Aruba a salba su honor y dignidad realizando su libertad “

E caracter y mentalidad aki ta loke ta bay yuda nos recupera y surpasa

tur reto. Pesey mes nos mester enfatisa e echo cu nos mester sigui papia di su legado, di e lucha cu e la hiba. Di e motibo pakico nos ta yam’e nos Libertador y arkitekto di nos Status Aparte. Ta unico manera cu nos lo sigura cu nos ta sigui aprecia loke nos tin y tur loke nos a logra desde cu nos a haya nos Status Aparte.

Pesey mes diahuebs awor,

dia 25 di januari, laga nos rindi honor na su memoria. Bisti bo T-shirt, hisa bo bandera y sali celebra. Pero tuma tempo tambe pa papia di dje, conta bo yiu y nietonan di su lucha. Pa nan sa cu aki na Aruba nos tabata biba bou otro circunstancianan prome cu 1986. Y cu desde 1 di januari 1986 Aruba a crece y florece. Y esaki sigur tabata danki na Betico!



Feliz Dia di Betico Aruba! Ban recorda y celebra su fecha natalicio en grandi y contagia nos mes cu e

candela di lucha pa semper nos sigui hiba Aruba padilanti.

MINISTER ENDY CROES A COMBERSA CU E ALUMNONAN DI KLAS 5 Y 6 DI COLEGIO SANTA TERESITA Den cuadro di e celebracion di Dia di Betico



En conexion cu Dia di Betico, Minister Endy Croes ta bishitando diferente scol rond di Aruba y dialuna ultimo a toca turno na Colegio Santa Teresita den curason di San Nicolas. Cabesante di e scol Sra. Janine Soliana – Vingal a ricibi e mandatario di Enseñansa y Deporte. Den un esfera ameno Minister Endy Croes a combersa cu e alumnonan di klas 5 y 6, unda cu a splica nan di e importancia di e celebracion di 25 di januari, historia, lucha y logronan di nos Libertador Gilberto François ‘Betico’ Croes. E alumnonan a scucha cu hopi atencion



y a haci basta pregunta. Pa finalisa, Minister Endy Croes a expresa cu e tabata un mainta hopi exitoso. Alabes ta gradici cabesante di scol, docente-y alumnonan pa un mainta ameno.



Prome Minister Evelyn Wever-Croes:

Ya riba ultimo dia di bishita na scolnan en conexion cu Dia di Betico, **PROME MINISTER CONTENTO CU E INTERES DI E MUCHANAN DI COLEGIO FELIPE B. TROMP**



masha contento cu banderin den man a ricibi'e na porta di scol. Despues e mandatario por a dialoga y bay den combersacionnan masha interesante riba e tema aki. Hobennan cu hopi interes y critico haciendo hopi pregunta importante y interesante.

Prome Minister a expresa cu e alumnonan tin un curiosidad y interes grandi y cu esey ta loke e kier wak den nan, specialmente den e tema importante aki. "Asina Betico lo tawata kier, pa e muchanan ta mas critico, ta mas curioso y sa mas informacion pasobra ta asina so nos por crea un generacion cu mayan por hiba nos pais padilanti".

E mandatario a termina gradeciendo e cabesante y henter e team di Colegio Felipe B. Tromp pa e recepcion caluroso y pa permiti'e combersa cu e muchanan y wak con bunita nan ta prepara pa e gran dia aki.



Culminando e bishita na scolnan pa Dia di Betico, Diaranson 24 di Januari, Prome Minister Evelyn

Wever-Croes a pasa cerca e alumnonan di klas 6 di Colegio Felipe B. Tromp na Noord. Muchananan



Parlamentario independiente sr. dr. Rycond do Nascimento

E DOMINIO DI FAMIA EMAN

E problemanan actual den AVP ta consecuencia di e dominio colonial di famia Eman. E dominio aki tin tres característica. Na prome luga tin un falta di transparencia y democracia. Decisionnan clave ta wordo tuma pa erumannan Eman en bes di pa henter partido hunto. Ta un cuestion di mantene poder den man di e famia. Awendia e reunionnan aki ta tuma luga den cas di mama Blanche, na unda nan ta conspira y discuti, y si un hende ta representa un menasa pa e poder di famia Eman, nan ta studia con nan por elimina e persona ey. Ta di e manera aki e Emannan hunto cu nan seguidornan di mas fiden a pone obstaculo den caminda di Betico Croes, Watty Vos, Tico Croes y Otmar Oduber pa neutralisa nan. E manera con e Emannan a combati Watty Vos internamente, ta wordo sinti como un traicion te dia di awe. E desgusto t'ey ainda den Playa P'ariba y Playa P'abao.

Na di dos luga tin un cultura di favoritismo den AVP. E lider tin algun favorito, e "prinsnan" y e "princesanan", cu nan ta pone den spotlight cada rato. Na mes momento no ta excepcional pa e lider falta respet na e demas candidatonan y voluntarionan. Ademá e competencianan di e candidatonan y nan esfuerzonan ta wordo ignora. E candidatonan y voluntarionan ey no ta sinti e seguridad pa nan por expresa nan desacuerdo ni e confiansa pa por confronta e situacion actual pa miedo di represalia di e famia.

Esaki ta hiba nos automaticamente na e di tres característica di e dominio Eman. Nan ta gusta crea chupado. Si bo kier un carrera politico largo y influencia den partido, bo mester bira un chupado. E chupadonan aki tin e speranza pa haya un number chikito riba e lista di candidato. Hopi di nan tin critica fuerte riba e lider, pero nan no tin curashi pa bis'e manera e ta (shout out na Sevinger, Dowers y De Meza riba e punto aki). E elementonan narcisista di e lider tampoco ta yuda crea un comunicacion habri. Ora bo confronta e lider cu e berdad, su man ta cuminsa tembla, e ta bira cora y e kier bin te na bo cas pa exige rectificacion. Casi nunca un hende ta wak e lider den su wowo, ta bis'e e berdad y ta mand'e su cas bek cu un troshi di bacoba.

Experto den corrupcion, incompetente den gobernacion

Mescos cu e famia Lucchese, un di e cinco famianan mafioso di New York, famia Eman ta crea e apariencia di no tin arte ni parte den ningun di e scandalnan di corrupcion cu ta afecta AVP. Sin embargo ta evidente cu AVP ta un tera

fertil pa corrupcion. Echo ta cu por lo menos seis di e nueve ministernan di AVP durante e gabinetnan di Mike Eman tabata involvi den scandalnan di corrupcion of negoshinan raro. E ministernan aki tabata mas preocupa cu enrikece nan mes y gana e siguiente eleccion cu e progreso structural di Aruba. Ex-minister Michelle Hooyboer-Winklaar, por ehempel, tabata involucra den un concesion dudoso na e compania InsureToStudy BV pa seguro di salud pa studiantenan Rubiano na Hulanda. Ex-minister Paul Croes a ser condena pa crea un comercio cu ontheffing relata na e prueba di e mercado laboral. Ta e comercio di opcionnan relata na terenonan comercial a hiba na condena di ex-minister Benny Sevinger pa motibo di soborno.

Mientras e partido ta specialisa su mes den practicanan dudoso, AVP a perde su base profesional. Fundacion Mito Croes y Fundacion Digna Laclé-Herrera no ta mas cu un fachada. Conseheronan importante manera Piet Pronk, Mito Croes y Klaas Tuinstra a fayece. Ex-prome minister Henny Eman lamentablemente ta sufriendo un deterioro fisico y mental. Profesionalnan manera Juan David Irausquin, Angel Bermudez y Richard Arends no kier ta involucra activamente cu e politica di e partido. Ta dificil pa un profesional serio asocia su mes cu AVP si e partido no kier asumi responsabilidad loke su ministernan a haci, y mucho menos e partido kier algo pa preveni cu e fechorianan ta bolbe tuma luga. Pa colmo AVP ta acusa e huesnan y Ministerio Publico di corrupcion, pasobra Croes y Sevinger a haya condena pa soborno.

Di e 33 mil persona cu a vota pa AVP na 2013 masha hopi a bandona e partido. Na 2017 no menos cu 11 mil votado a bandona AVP y na 2021 otro 5 mil votado a los e anker di AVP. Si e tendencia aki continua, e partido lo por conta solamente cu tres asiento na 2025, cu posiblemente un of dos restzetels.

Ademá, e partido nunca a demostra di ta capaz di por planifica di manera efectivo. Tuma, por ehempel, e investigacion di Algemene Rekenkamer riba e proyecto BO ARUBA. E investigacion ta muestra cu e proyecto ranca sali malo desde su principio. E proyecto no tabatin obhetivonan claro, loke ta haci e imposibel pa midi e exito di e proyecto. Algemene Rekenkamer a conclui cu e proyecto a expone Aruba na riesgonan di integridad y riesgonan financiero. E presupuesto di e proyecto tabata Afl. 1,6 biyon. E mal administracion di e proyecto a crea un sinfin di oportunidad pa mafia gana



placa. Ademá, AVP a muestra un creatividad impresionante pa crea debe, manera debe riba e Presupuesto Nacional, fondonan special, fundacionnan di gobierno, companianan estatal, SOGA y e famoso PPP. No ta di sorprende cu Bo ARUBA ainda tin un impacto negativo riba e situacion financiero di Aruba y, en particular, riba inflacion. Ta pa motibo di un debe mas grandi cu interesnan halto ta crea urgencia pa Departamento di Impuesto recauda impuestonan cu mas eficiencia. Pa motibo di e falta di responsabilidad y falta di disciplina fiscal, Hulanda a impone supervision financiero riba Aruba. Ademá, como cu proyecto Bo Aruba no tabata cumpli cu ningun norma di sostenibilidad, ta e maneho di Gabinete Mike Eman a convence Hulanda cu Aruba mester di reforma, loke a conduci na e paquete di reforma conoci como Landspakket 2020.

Pero tin solucion pa e problema di AVP. E partido mes mester reforma profundamente. E estructura colonial mester hala un banda pa Good Governance. Un codigo di integridad, identificacion di funcionnan cu tin riesgo pa corrupcion y un proceso los di famia Eman pa selecciona candidatonan ta esencial. E partido mester bandona e manera ad hoc di traha y muestra compromiso sincero cu sostenibilidad. Ta e ora ey solamente planificacion efectivo por ta parti di e proceso di tuma decision den AVP. Mester desaroya competencia den e partido, ya cu actualmente e partido no tin e capacidad necesario pa goberna di manera responsabel. Finalmente, e mentalidad di "fix" mester cambia pa un mentalidad cu realmente tin curason pa nos patria, nos yiunan y nietonan.

BETICO UN HOMBER CU A TRANSCENDE TEMPO!

Parlamentario Hendrik Tevreden ta felicita Aruba cu dia di Betico

E refran di nos Himno Aruba dushi tera, ta tipifica cada un di nos cu a bira ciudadano o a nace riba e suelanan di Aruba. E ta laga nos realisa cu tin tempo duro, tempo trankilo, pero cu si nos tin speransa y fe, nos ta logra. Si nos tin hendenan rond di nos cu tambe ta dispuesto pa sacrifica y duna un man, nos ta logra. Y no ta asina cu fisicamente nos no por kibra, esey sa pasa y ta pasa. Pero nos ta logra pa no kibra ora cu nos realisa cu nos forsa ta den union, respet pa otro y perseverancia. Esakinan ta algun di e aspectonan cu te cu awe tin e memoria di Betico presente. Aspectonan cu a percura pa generacionnan keda rebiba su mensahenan y wordo inspira y inspira otronan atraves di nan. Apesar cu den persona e no ta mas presente cu nos, den pensamiento y curason ainda e ta presente pa hopi.

Mi ta referi na Betico Croes, un estadista Arubano cu te cu awe ainda ta inspira generacionnan cu a nace o no a nace aki. Na scolnan bo por mira e impacto cu su decisionnan y pasonan tuma decadanan atras, tin awe ainda riba e studiantenan. Mensahenan cu ta laga cada un reflexiona den era y tempo di awe. 'Materialismo a avence idealismo', 'si mi cay na caminda gara e bandera y sigi cu e lucha', 'no tin victoria sin sacrificio'. Palabranan bon scogi cu a transcende tempo cu ta aplicabel awe ainda.

Sin cu hoben nan a conoce personalmente, hopi di nan ta transmiti un aprecio sin igual pa su persona y locual cu e a nifica pa Aruba. Awe ainda nan ta convivi e ideologia, cu e a planta den e comunidad aki. E ideologia di: ta sincero den bo intencion, y no haci nada pa bo propio

interes.

Betico a practica liderazgo ariba un nivel cu te cu awe ta di admira. Den su mes palabranan e a indica cu e ta un tata pa henter e pueblo di Aruba. Un tarea grandi y cu un peso enorme pa soporta. E sinceridad cu e tawata transmiti, a logra capta e mente y curason di henter un pueblo pa para banda di dje den e lucha y causa mas grandi cu Aruba a conoce den su historia te cu awe, e Status Aparte.

Aruba a conoce diferente politico, di diferente partido. Pero ta parce cu Betico su mensahe no tawata mara na politica solamente, ni solamente un partido. Su mensahe a etala ariba un nivel mas halto, cu te cu awe Reino Hulandes, Caribe y Latino America ta bon na altura di e logro grandi di Betico.

Aruba por ta orguyoso di



por a produci un ciudadano cu a sa di carga su Pais ariba su afan personal. Un lider cu den tur honestidad a splica den pleno campaña na su pueblo e seriedad y retonan su dilanti, apesar di core e risico di perde un eleccion. Un persona cu a pone tur atencion y esfuerzo, pa por logra e bienestar pa su Patria. Caracteristicanan cu nos ta mira masha poco awendia den e era aki.

Den e dianan nos dilanti celebrando Dia di Betico,

nos tin e speransa cu su corahe y balentia lo motiva y inspira nos tur y e generacion cu ta sigui despues di nos. Pa den e trabou di tur dia nos avansa y prevalece riba tur obstaculo cu por presenta nos dilanti.

Nos tin e dificil tarea, pa mescos cu esnan cu despues di Betico cu a percura di practica e ideologia aki, pa continua y aplica e ideologia di respeta, lucha y sacrifica pa logra progreso na Aruba su bienestar.

Temponan ta cambia, pero principianan ta permanece. Si nos pone interes di otronan prome cu nos mes, nos tambe lo ta contribuyendo grandemente cu e adelanto pa nos Pais y transcende tempo manera Betico d.f.m. a haci'e.

ARUBA BANK TA SOSTENE EXPANSION DI NEPTALI HENRIQUEZ PARK

Oranjestad, 24 di januari 2024 - Aruba Bank orguyosamente ta anuncia su donacion di AWG 10,000 pa financia parti di e expansion di Neptali Henriquez Park. E iniciativa aki ta refleha e compromiso di Aruba Bank pa cu e desaroyo di comunidad y bienestar di residentenan di Aruba.

Neptali Henriquez Park a keda funda na 1974 pa Sra. Florence Wekker y oficialmente a wordo habri na 1984 pa Su Mahestad Prinses Margriet di Hulanda. E park a keda un lugar aprecia pa comunidad desde e tempo ey.

E donacion di Aruba Bank ta yuda cu e expansion pa crea un espacio dedica na muchanan di 2-5 aña, estimulando inclusividad y desaroyo integral. E proyecto ta inclui stacionnan di hunga adapta pa muchanan, caminda por acepta te cu 81 mucha simultaneamente riba 26 diferente cosnan di hunga. E stacion di hunga educativo ta enfatisa riba siña door di hunga, introduci conceptonan di ingeniero y ciencia cu ta tuma lugar pafor.

E donacion aki ta marca e prome na e proyecto di expansion, unda cu Aruba Bank ta spera di por



inspira mas compania pa aporta na e bunita proyecto aki di expansion pa e parque cu ta suma un total di AWG 130.000.

Roxanne Croes di Aruba Bank tabata presente pa haci entrega

di un cheque simbolico na e miembranan di board di Neptali Park, marcando un comienso di un aliansa dedica na crecimiento y enriquecimiento di nos comunidad. Pabien na Neptali Henriquez Park cu e bunita proyecto aki.

Minister Dangui Oduber

MINISTER DI TURISMO A HAYA UN PRESENTACION Y UN RECORIDO DI ARUBA BEACH CLUB



- Diahuebs mainta minister Oduber y su team a haci un bishita na Aruba Beach Club (ABC). For di algun tempo caba minister Oduber ta bishitando hotelnan pa asina por mantene su mes na altura di operacion di diferente departamento di e hotelnan. Informacion valioso ta wordo intercambia, manera e grado di ocupacion, REVPAR (revenue per available room), ADR (average daily rate) y tambe un topico importante manera plan di inversion di e hotelnan.

Minister Oduber a keda hopi agradecido pa e forma

con ABC a ricibi'e y tambe su team. Presente tawata e Management Team y e Board of Directors di ABC. Minister a ricibi un presentacion unda cu a pasa door di e historia di Aruba Beach Club cu a cuminsa operacion na aña 1977. Nan tawata e prome hotel timeshare den Caribe. Awendia nan ta conta cu 3,283 miembro di locual 145 ta local, 2950 ta di Estados Unidos y e resto di rond mundo.

ABC a caba di di renoba su cambernan y a inverti aproximadamente un 10 miyon florin. Nan ta un hotel cu aña den

aña afo ta goza di un 85% di ocupacion. Y ta orguyoso di bisa cu nan bishitantenan ta yama e hotel nan "home away from home".

Minister a termina e dia yamando danki na e board, staff y personal pa un bunita mainta hopi ameno. Tambe a gradecinan pa nan confianza den nos producto Aruba y pa keda haci inversionan den mehoracion di nan hotel. Finalmente Minister Dangui oduber no por keda sin gradici e 73 empleadonan di Aruba Beach Club cu ta percura pa e ambiente y servicio ta uno familiar.

UN PERSONA HERIDA DESPUES CU AUTO A BOLTER NA BLOEMONd



Bloemond - Diaranson mainta rond di 11'or y mey polis, ambulance y tambe un unidad di brandweer a sali direccion Bloemond, pa un auto cu a bolter.

E motibo cu tur e unidadnan a sali tawata cu a

wordo papia cu chauffeur di un di vehiculonan den e accidente a keda pega den auto, despues cu e la bolter.

Na yegada, habitantenan mes a logra habri e parti patras di e Mitsubishi rh

y asina e chauffeur a sali di su mes. Por a mira cu e la ricibi rasca na su brasa, pero voor de rest e tawata bon.

Na yegada di unidadnan, no tawata mucho cos cu mester a wordo haci, e

chauffeur herida mes lo a cana bay den ambulance.

Na e sitio nos a papia brevemente cu e otro chauffeur di un Kia Optima y e la bisa nos cu e Mitsubishi tawata biniendo cu velocidad halto y asina mes cu e la trata na evita e impacto e auto a dal e parti links dilanti y despues bolter.

E chauffeur di e Kia a sinti su nek tambe cu e la yega di opera y por a mira e marca di e operacion.

Mester bisa cu e caminda aki di Bloemond pa Sero

Lopez no mester core duro, ta un caminda hopi smal, pues tene cuenta.

E caminda a keda cera basta rato pa polis di trafico haci su trabou y tambe despues takelwagen bolter



NOS TA CUIDA BO
YIU SI BO TA BAY
CARNAVAL

Mami Papi buscando un laga pa laga tesoro precios@ den dlanan di carnvala, mi'sa mami papia stima su yiu asina hopi i ami hunto cu boso, lo sa di cuide di Solo, muziek duron problemanan rond lo e come bon y hasi obra di man i pasa super leuk cu diferente actividadnan, Antoooo Mami Papii a keda hopi cansa? Nooo worryyy mi ta cuida su soño te mainta i mi mes lo hibe pa boso te na cas @ 8am .. keda pending pa e 1 dia di locura.

**BAN HUNTO MAYORNAN
CUIDA NOS
MUCHANAN**

**Incl : Dinner & snack
Transporte mainta**

**Info @ 7473644
Illiane de Mey
The little Rascals
Lider certifica
i
registra na Fundacion
pa nos Muchanan
Y
DMH**

**Incl: Breakfast
Lunch Dinner
Transporte mainta**

**Jan 31 : Sunset
Feb 03 : lighting**

**FI 65, 00
7:30pm-1am
FI 100,00
7:30pm-8am**

**28 Jan: Mucha O'stad
4 feb: Mucha San N
10 feb: Grandi San N
11 feb: Grandi playa &
Momo**

**FI 65,00
7:30am-8pm
FI 100,00
7:30am-8am**

**RESERVA BO CUPO PA
NO KEDA AFO CU
FL 25,00**

**Jouve adveture :Trese bo tent
Feb 2 @ 7:00pm t/m Feb 3 @ 11:00am
Incl: transporte mainta - dinner -
breakfast.
FI 100,-**

+Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

Mi a puntra Hesus: "Hesus con hopi Bo ta stima mi?"

El a contesta mi: "Asina hopi".
Después el a habri su brasa nan y el a muri.

Marcela Catharina Werleman
Cariñosamente yama Tante Chela
*4 September 1948 - †22 Januari 2024

Mayornan: Pedro y Carmen Werleman-Carolina
Rumannan: Petra
Fabia
Eusebia (Ebia)
Sabino (Chillin) y Marlin
Crispino (Freddy)
†Ika y Slaviša
Elvira
Candido (Candy) y Josy
Mateo (Lino) y Gina

Sobrino y sobrinanan:
Sharine y yiu Mason, Yeager y yiunan Yadecienne y Yulanne, Sandra, Cindy y
Raphael y yiunan Regerick, Jayzion y Azarael y demás famia, Rudselyn, Jósue,
Candrick
y Marielle y yiu Cylaine, Stefan, Lindsay, Adair, Aimee y Patrick, Ciana
Tanta y Omonan:
†Francelina Caster y famia
†Maria Caster y famia
†Hilario y Joyo Thiel- van der Biezen y famia
†Alfredo y Marcolina Thiel-Wernet y famia
Forita Thiel y famia
†Alejandrina y Nai Gomez-Thiel y famia
†Rafai y Clarita Thiel y famia
†Helenita Koolman y famia
†Crismo y Getreida Carolina-Maduro y famia
†Jacintho y Flor Carolina-Ochoa y famia
†Gregorio y Maria Carolina-Hernandez y famia
†Cecilia Carolina
Nicolaas y Estella Carolina-Ochoa
†Damasa Lacle y famia
†Jojo y Hilario Thiel- van der Biezen y famia

†Buchi van der Biezen y famia
†Tan y Chichi van der Biezen-Winterdaal y famia
Maria y +Luis Kock-van der Biezen y famia
Mena y Juan van der Biezen y famia
Pief y Helena van der Biezen y famia
Chito y Bea van der Biezen-Frans y famia
Primo y primanan, bisñanan, demás famia y conocirnan:
Werleman, Carolina, Peña, Thiel, Caster, van der Biezen, Acosta, Ching, Vrolijk, De
Voogd,
Koolman, Pešic, Sanchez Callahua, Maduro, Locadia, Figaroa, Curiel, Geerman,
Kock,
Flanegin, Hernandez, Ochoa, Lacle, Thijs, Dubero, Wever, Donata, Kock, Frans y
van der
Linden.

Ta invita amigo, bisña y conocirnan pa asisti na:
Acto di condolencia lo tuma lugar diabierna, 26 di Januari 2024
di 7'or pa 9'or na Aurora Funeral Home.

Acto di entierro lo tuma lugar diasabra, 27 di Januari 2024.

For di 2'or di atardi defunto Marcela Werleman lo ta reposa na
Misa Immaculada Concepcion y después pa Santana Católico na Santa
Cruz.


Nos ta lamenta cu después di entierro nos no por ricibi visita di
condolencia na cas.

2 Unidad di bombero a bay pa un candela di mondi cu tabata menasa y causa molester na Santa Cruz



Dialuna merdia a drenta informe di un candela cu ta menasando un hardware store, un school y algun cas den cercania y ademas e huma tabata causa molester, mesora a dirigi tanto polis como 2 uni-

dad di bombero na e sitio. Na yegada di bombero mesora a inicia cu un combate directo y fuerte pa asina logra domina y paga full e candela.



		8		1		4	6	
5		6	3		8	9	1	2
	2	1	6			8	3	
6			1		4			8
1		2	9	8	3	5		6
	8		7		6			1
9	6	3				1	5	4
2			4	3	1	6	8	9
9	1	4		6		7	2	3

ORACION DI DIA

Un dia fructifero y cu Dios brasa boso cu Su amor paternal
"A traha sabbat pa hende y no hende pa sabbat"(Marco 2, 27)

Evangelio di awe ta yama nos atencion riba loke ley ta regla den bida:
ordena e relacion den nos comunidad pa haci nos bira consciente di nos propio responsabilidad den e sociedad di cual nos ta forma parti como ser humano. E palabra "ley" of regla por irita nos un poco. Principalmente ora nos atencion wordo yama riba loke nos a haci robes of ora nos a keda sin haci algo. E camindanan di Dios no ta nos camindanan pa via di nos debilidad como ser humano. Den nos relacion cu nos ruman, ta surgi problema, pregunta, disgusto cu tin biaha nos no por comprende. Experiencia humano ta muestra nos tentacion humano.
Como ser humano nos tin tendencia di haci hende catibo di ley. Mientras cu ley a wordo diseña pa sirbi humanidad, tin bes nos no por comprende e actitud di nos ruman. Tin bes hasta nos no por comprende nos mes actitud. Nos ta bira consciente di esaki ora nos tuma nota cu Dios no ta scoge poderosonan pa cumpli cu Su trabou aki na mundo. Al contrario, E ta scoge humildenan pa muestra poderosonan Su caminda.
Oracion: Señor, manda nos Bo Spirito Santo, e Spirito di amor pa nos sa di busca Bo camindanan pa por sirbi nos rumannan den tur humildad.
Amen.

MINISTER XIOMARA MADURO CU MENSAHE IMPORTANTE PA NOS MUCHANAN DURANTE SU BISHITA ESCOLAR



Kere den bo mes y bo lo logra tur locual cu bo kier den bida. Recientemente, Minister di Cultura, Xiomara Maduro, a continua su serie di bishitanan cu focus special riba motivacion y desaroyo personal di nos muchanan.

Durante su bishita na St. Rosa College, Minister

Maduro a tene un charla motivacional cortico, pero poderoso, cu e alumnonan di klas 6, enfocando riba e importancia di kere den nan mes y e impacto cu esaki por tin riba nan futuro.

Minister Maduro a comparti su mensahe inspira-

dor cu e muchanan, bisando cu 'Kere den bo mes ta e prome paso pa logra cosnan grandi. Tur loke nos ta pensa y soña, nos por realisa si nos tin e confianza y determinacion pa traha duro pa esaki.' E mandatario a usa e ehempel di Betico Croes, un figura respeta y admira den nos historia, como un ehempel di loke un hende por logra ora cu e ta kere den su mes y su proposito.

E charla entre e Minister y e alumnonan tabata interactivo y dinamico. E mandatario a enfatisa e importancia di educacion, determinacion y persigui nan aspiracionnan, sin importa e desafionan cu nan por enfrenta. E mensahe di e Minister tabata enfoca riba anima e alumnonan pa sigui lucha pa nan soñonan y no laga nada ni ningun hende desanimanan. E reaccion di e alumnonan na e mensahe motivacio-

nal tabata positivo. Nan a demostra un gran interes pa cu esaki. Minister Maduro a termina su bishita cu un mensahe di danki na e directora y maestronan di St. Rosa College pa nan dedicacion y apoyo continuo na e desaroyo di e alumnonan. E ta spera cu pa den futuro sigui haci mas bishitanan similar na otro scolnan, motivando y inspirando e proximo generacion di lidernan di nos Pais.

A sigi chauffeur cu a dal auto core bay for Cafe 080 te banda di Boegoeroei



VALIDO TE DIABIerna 26 DI JANUARI 2024, 18:00 ORA
UN ALERTA PA BIENTU DURO TA NA VIGOR...

-UN AVISO PA BOTO CHIKITO PA LAMA HABRI Y ESPECIALMENTE AREANAN

CERCA DI COSTA OOST TE NOORDWEST TA NA VIGOR TE OTRO AVISO...

AVISO/ ALERTA:

UN AVISO PA BOTO CHIKITO TA KEDA NA VIGOR PA PARTINAN OOST TE NOORDWEST DI COSTA Y RIBA LAMA HABRI...

TA SUGERI BAñISTANAN NA LAMA Y USU-ARIONAN DI

FACILIDADNAN DI LAMA PA TENE ESAKI NA CUENTA
PRONOSTICO DI TEMPO PA PROXIMO 3 DI-ANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE DURO, KISAS HOPI DURO DEN RAFAGA;

TEMPERATURA (GRADO CELSIUS) MAX / MIN LO TA: 32 / 26



Dialuna anochi a drenta informe di un accidente hit & run cu a caba di sosode y nan ta coriendo suu tras cu ayudo di polis a logra par'e na Boegoeroei.

Na yegada di e patruya a logra atende cu e chauffeur.

Aki polis a splica e chauffeur cu core bay for di un accidente ta un crimen y ley por castiga e chauffeur cu castigo basta pisa.

Afortunadamente ningun hende a resultta herida.



MINISTER MADURO A BISHITA ST. DOMINICUS COLLEGE Y ST. ROSA COLLEGE

Bishitanan Escolar ta sigui en conexion cu Dia di Betico



Riba diamars a sigui e bishitanan escolar di Minister di Cultura, Xiomara Maduro, caminda cu e dia aki ela bishita St. Dominicus College y St. Rosa College, e biaha aki di scol basico, pa asina combersa cu nos muchanan tocante kende tabata Betico

Croes, dicon ta importante pa celebra su fecha natal y tambe kico e dia aki ta significa pa nos Pais. E mainta a cuminsa na St. Dominicus College caminda cu riba e speelplaats, tur mucha a uni hunto pa asina duna Minister Maduro un caluroso bonbini. Aki e

mandatario a combersa cu e muchanan riba kende tabata Betico Croes, a splicanan riba locual nos Libertador a haci pa Aruba y tambe a informanan di e actividadnan cu tin pa haci riba e dia aki pa asina celebra su fecha natal.

Despues di e bishita aki, Minister Maduro a sigui pa St. Rosa College unda e muchanan tabata sumamente entusiasma pa ricibi e mandatario. Aki, e mandatario a wordo ricibi cu musica, banderin y algun bisti na trahe tipico di Aruba. Minister Maduro a pasa un rato ameno combersando cu tur e muchanan y a cantanan un poco mas di Betico Croes y e



importancia di celebra e dia aki. E mandatario a finalisa su bishita den klas 6 unda cu e por a admira un exposicion crea pa e muchanan di klas 6-A y 6-B unda cu nan a compila mas informacion di nos Libertador Betico Croes y a exhibi esaki durante su

bishita. Minister Maduro ta gradici cabesante, docente, staff y personal di St. Dominicus College y St. Rosa College pa e bunita ricibimento cu ela haya na ambos scol caminda cu ela pasa un mainta ameno combersando cu esnan di mas chikito den nos comunidad.

Cuerpo Policial Aruba Ta Informa



Dialuna atardi pa mas o menos 5:35 central di polis ta wordo notifica door di Alarm Central cu un edificio na Klipstraat personal di ambulance a wordo manda na e sitio pa un persona masculino cu no ta duna señal di bida.



Polis a bay na e sitio y ta wordo informa cu ta trata un turista masculino naci na Nicaragua.

Dr. Texier a presenta y ta constata morto pa 6:20 di atardi homber di inicial J.E. Noguera di 53 aña naci na Nicaragua y residencia na Merca.

Recherche como tambe polis tecnico a presenta na e sitio pa haci nan investigacion.

E curpa a wordo tuma den beslag pa mas investigacion pa descarta si ta trata di un crimen.

Cuerpo Policial Aruba ta pidi cualkier persona cu a wak algo of sa algo pa yama e tiplijn di polis cu ta 11141.













Ofrenda floral na Aruba pa cu Dia di Betico



Den Haag – Personal di Arubahuis a tene 24 di januari, na antesala di Dia di Betico, un ceremonia pa recorda e fecha natalicio di Sr. Gilberto Françoise “Betico” Croes, politico y estadista Arubiano. Minister Plenipotenciario mr. Ady Thijsen y director di Arubahuis mr. Joselin Croes a pone un flor na e busto di Betico Croes.

Despues di e ceremonia a canta nos himno nacional ‘Aruba Dushi Tera’. Nota pa redaccion: E potretnan ta cortesia di Arubahuis



Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 24 Jan 2024 Merdia		
 Sorteo # 4162 0627 4734 5164	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 300.000,-
 Sorteo # 4162 6530	 Sorteo # 0 x Jackpot 0 x Match 4 0 x Afl. 500,00 0 x Afl. 50,00 0 x Afl. 15,00	Proximo Jackpot 66.000,-
 Sorteo # 2218 1796	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 400.000,-
 Sorteo # 4162 3294 Tauro	 Sorteo #	Afl. 540.000,-
 Sorteo # 1036 706	 Sorteo #	
 X3		


“Lagami biba pa semper den Bo cas y sconde bou Bo halanan. Abo, Dios, a scucha mi promesanan, B’a dunami e tera cu ta toca esnan cu ta honra Bo”. (Salmo 61, 4:5)

Cu profundo tristesa, pero conforme cu boluntad di Dios nos ta participa fayecimento di nos kerido esposo, ruman y omo stima:

Raymundo Werleman

Cariñosamente yama Mo Rey

23 juli 1936 – 18 di januari 2024



Ex trahador di LAGO
Ex trahador di Fiesta Trading
Ex trahador di Canashito Farm Supplies NV
Su kerida esposa: Theresita (Sita) Werleman-Croes
Subrino stima manera yiu: Dino Yarzagaray y famia
Su rumannan: †Apolonio (Poy) y †Angelica Werleman-Ras y famia
†Rosario (Ro) y †Margarita Werleman-Maduro y famia
†Maximina (Chichi) y †Basilio Maduro-Werleman y famia
†Cerilio y †Maria Werleman-Geerman y famia
†Emiterio (Mito) y †Maria Werleman-Kock y famia
†Jan Faustinus (Janchi) y †Augustina (Tina) Werleman-Geerman y famia
†Zenovia (Noba) Werleman y famia
†Catarina (Tinchi) y Mario (Mai) Croes-Werleman y famia
†Luisa (Wisa) y †Augustin Yarzagaray-Werleman y famia
†Fabiano (Padu) y Rita Werleman-Wever famia
†Martina (Ina) y Placido (Do) Geerman-Werleman y famia
Lucio (Luca) Julian y Betty Werleman-Dirksz y famia
Swa y cuñanan: †Sira y †Tommy Croes-Croes y famia
Elvira y †Luciano Schwengle-Croes y famia
Linda y Rene Nieuwkerk-Croes y famia
†Elca y †Braulio Rodriguez-Croes y famia
Engrid Croes y famia
Leoncio y Yolanda Croes-Tromp y famia

Tur su ihanan, su subrino y subrinanan, su primo y primanan, comer y compernan, su amigo y amiganan

di cas, su bon bisiñanan, miembronan di coro Inmaculada Concepcion di Sta. Cruz, miembronan di Legion di Maria, miembronan di grupo Carismatico, miembronan di grupo di Oracion Cosecha di Señor, Fe Speransa y Amor, demas gruponan di Oracion y demas famia Werleman, Croes, Yarzagaray, Maduro, Geerman, Schwengle, Nieuwkerk, Rodriguez, Tromp, Solognier y demas famia.

Ta invita pa asisti na e oportunidad di condolencia y acto di entierro cu lo tuma lugar diarazon 31 di januari na Misa Inmaculada Concepcion na Santa Cruz. For di 2’or di atardi e restonan mortal di nos defunto stima lo ta reposa den Misa.

Pa 4’or lo bay tin un Santo Sacrificio di Misa sigui despues pa Santana Catolico “Santa Maria” na Sta. Cruz. Lo ta bay tin un box disponibel pa donacion na Wilhelmina Kankerfonds.

Si den nos tristesa nos por a lubida di menciona un of mas familiar of ser kerí, nos ta pidi nos mas sincero disculpa!

A PURBA HORTA UN AUTO
PERO ELA DAL UN DAL
UN OTRO AUTO Y DJEY A
DRENTA PARCIALMENTE
DEN UN MONDI



Diamars madruga e ladronnan di auto a sigui cu nan fechoria hortando auto. Na Kurimiauwanan a horta un Getz dal un auto staciona y despues a dreña parcialmente un mondi. polis a yega na tempo y esey a evita cu nan a sigui cu e auto. Polis a confisca e auto pa mas investigacion.